



序道聽錄



道德錄兼識並收若大醫藥品哲匠木材繪人之采色  
 海貢之雜物也佳者可束約身心餘足為談謔資故勛  
 少助勸精神罷憊翻閱即意愜思飛潑潑然抃舞咲躍  
 矣余初視至忘殆則旬後居則狎接水陸行皆携若膠  
 於中不可解者噫知余之好則沅南君之好甚余可知  
 已知余與君好則凡見而好者不減於余於君又可知  
 已噫君之成是沂其初歲月深長矣君學豐才茂自領  
 薦嘉靖甲午連蹇者亦八年而志不靡宜乎遠掇近撫  
 網羅鉅細而洽博若斯也余束髮至今歷燕齊梁宋淮



諸界其孺謠者誨王公貴人芟荷逸士奧言閱議諸九  
聆受儻日書月編積而存之亦不啻成寸帙者乃以慵  
廢然後知毛穎功高韓傳柳序皆用意淵厚匪為戲詖  
而君屈甄集漆室之說亦韓柳之遺也噫茲錄也漆室  
公之力歟

萬曆癸酉仲春

賈進士出身同知夔州府事前翰林院庶吉士浙江道  
御史尚質司卿友人脩城王嘉言頓首拜書

道德錄自言



楚桃源山人李春熙



余自髫髻游燕吳趙魏間奉長者杖履盡簪名流獲領  
緒譚時復於旅邸中偶有所聞或當於心也未嘗不沾  
沾喜思欲裁之中心以為語資然性苦易忘未旋踵已  
不能舉其全越信宿又為新聞矣因憶語稱道聽塗說  
為德之棄矧聽而不能說者則又何指哉通其北轅既  
休南冠自禁偶追舊業兀坐冥搜間有所得爰命毛楮  
玄生代為紀述久乃成帙遂以道聽題其前深憾遺漏  
者多茲僅存十之一二然猶媿雅俚不倫真偽錯雜質




諸博識度得以斬改核抑或因之以承所未有則是錄也豈徒拊掌之資其殆致益之圖乎

是冊凡名公有集者不錄舊梓本者不錄出古人者不錄有事無詩詞者不錄間有錄者以未及見或愚意有所寓也錄淫詞錄戲談者不欲以人廢言兼以詳倦者之嘲也錄小簡錄漫語者因當余意不忍棄也句字諱里疑謬者因原聽之訛也刻而傳之者亦收駿音之意也後不書終者欲有所待也觀者幸亮而教之無負就正請益之誠云時隆慶己巳仲春望日識

道聽錄目

一卷



魯文恪詩

陳咏春高

崔東洲詩

彭汝寔詩

張羅峰詩

黃查口捷

楊遠菴詩

先輩紀夢

李類增別

解學士詩

潘泉諷毛

文恪偕計

陳葛坡對

夏桂洲詞

文衡山詩

王大酉詩

高皇菊詩

陸昂詩

宮人咏蟻

張太岳詩

李輝咏扇

汪隱士詩

莊定山詩

彭衛使詩

茅翁婦詩

辰反赴省詩

郝壁詩

陳總制聯

趙州旅館詩

海翁題圖

張龍湖詩

徐太室詩

劉東山詩



王梅溪詩 吳狀元詩 唐解元詩 王陽明詩

召仙祠詩 統忠捧日 夷陵學映 顧棗橋詩 陶鏡峰詩

毛狀元詩 陸榜眼詩 于少保詩 南陽印壁詩

賈環峰詩 胡可泉詩 六瓊臺詩 李程二公對

嶺右僧詩 辰陽書院對 士人愛寵詩 楊升菴詩

久遊不歸詩 升菴內詩 東川禹楚詩 范紹祥詩 鳴堊画詩

金陵楊妓詩 都下箕仙詩 二顛者詩 陝右儒生詩

李敬天詩 真武殿詩 培翁壽詩 都下長聯

九里仙夢 良鄉壁詩 陳海樵詩 張邵二山人詩

蜀儒騎馱詩 王西樓詩 蔣宗絕筆 癯仙味燈

僧贈定山 秦需字義 唐邵絕句

李應城對 胡廬山詩 閩鄉宦詩 王威寧詩

沈翰林對 唐萬陽詩 彭二洲對 西涯詩話

借山詩 讚 太岳香破 李荆沙詩 馬孟河序

郭忠武詩 方兩江詩 朱靜菴詩 鄭先生詩

士人咏手 安尚使詩 髮頭陀傳 源整午日詞

馬孟河詩 黃學諭詩 劉福井詩 方厲菴詩

晉都隱名詩 吊黃鶴樓詩 鄭解元破

武宗咏吸婦詞 唐狀元歌 嚴夏二公評 郭雨山詩



張東海詩 日本使詩 咏二喬詩 甘公對識

張太虛詩 蔡霞山詩 華藩味一詩 陳白沙詩 公私堂聯

王太常詩 郭菊翁詩 吳川樓詩 王司走詩

批犬傷鶴 岳季方詩 成仁卿詩 龍太渠詩

謝木齋歌 陳朗溪頌 許少華詩 王虹塘詩

戊婦吹 僧味澳翁 贈仕宦画詩 月泉吟卷

劉河衡詩 牛一瓢詩 朱鷺池詩 龔車渚詩

龍渠陽詩 李空同詩 彭氏祠對 慈母石歌

晚菊詩 解公敏捷 張東沙詩 桃川集對

月桂詩 武穆祠聯 渠陽岳祠詩 金陵蕪妓詩

松滋王公詩 沈石田詩 九章算法

三卷

邑名布僻 姓氏考辨 胡龍岩詩 劉鈞河詩

陽明金山詩 論衡辨 陳白沙破 箕仙詩

杜醫士判詩 冀蔣論學 蔣論曾子 呂公詩說

于公士人詩 金會元對 九種龍考 鱗白詩

青草池對 戲法唇語 稔謂辨 公翁論

批僧狀語 夢中得句 人化虎詩 江不角元對

古賦論 胡釘鉸詩 胡御史詩 龍張小簡

一瓢絕句 字義辨 省字辨 漂母祠詩



稱號辨

巧對

杜撰

羅念菴作

霞山戲破

唐人出韻

解縉祭文

酒令

唐竹墟詩

字謎

曾確菴詩

謝一翥詩

陳章甫詩

張解元詩

陰府對聯

喬三石詩

錦綉對聯

印少偏詩

宋曹翰詩

梅軒詠諧

童冠戲效

同館編對

賓筵急語

武穆祠詩

一瓢傳

唐伯虎詩

徐海棠詩

高太湖對

韓太守堂聯

曹公檢詩

源望咏鸚鵡

蘓郡戲談

徐龍溪詩

黎狀元詩

鄒解元詩

白用大詩

八駿名考

謝皋泉詩

宗室貞湖詩

味一雜詩

劉洞衡和唐

名山碑

徐黃二詩

彭白泉詩

二國大言

翁仲戲詩

借山公詩

於夢公詩

沈青霞詩

任狀元詩

梁公實詩

四卷

近世鼎詩

近世山人詩

古今人文

沈韻

龍叔子詩

譏子印詩

王莽泉詩

塘下洪氏詩

吳僧正念詩

譏仲穆詩

莫宗初詩

瞿塘警世

天刻

伴虎眠詩

使者應詩

聶大年詩

陳高吾詩

西湖度詞

西蜀戲語

瞿宗吉詩

沈劉倡和

孔子讚

李懷舫詩

信選若干辨

龍渠南詩 唐念軒詩 王文三詩 寺僧詩

少鶴味蜂 南無字考 全山頂疑 幾時戲語

尹王姓戲 陳龍和章 癯仙暮春詩 臯良詩話

元夕燈詩 詞說院本 三壺外樓詩 應城二詩

二陳氏詩 經史字音 許穎陽詩 王咸虛詩

二朝後日 真定寺詩 徐龍灣詩 禁殺牛文

勞公存語 郭龍絕律 傀儡梅詩 何公譔卷

伽藍名義 四公別名 艾熙亭詩 朱山人詩

孟荀二事 响峻山碑 春試評文 文學戲談

熊龍長篇 陸山人詩

五卷

張題蓆舍 西涯寄彭 東海贈羅 楊焦山詩


夏羅送弟 趙清獻詩 徐羅論文 桑民懌詩

高一山對 西齋詩 胡學諭行





道聽錄卷之一



芝桃源沅南李春熙輯

男譙重梓

楚京陵魯振之鋒第弘治壬戌會元閣試入館草堂殊

網誌云草堂木閣挂虛檐幾度推窓似隔簾破內飄

風猶裊裊相當明月侵纖纖燕知巧避渾無礙蝶為

狂飛或被黏昨夜收忙不安枕願教疎處更重添遂

居首選

古者頒朔自朝廷而下逮邦國敬授人時遺意也今制

郡邑歛曆日紙價解納藩司藩司印造鮮京徧投諸

尊貴者山積壤視陳列



御道旁出售至秋夏不盡則以塗壁而下邑得一見者蓋鮮吾郡朗溪陳公仲錄梓春圖尾紀一絕云民間無曆日曆紙却徵錢我道春圖好相看也一年可謂深中時弊也

相傳崔東洲桐在南監致非太常鄉不出公遺之詩云有緣千里尚相期只天無門一見之國子使非蘧伯使太常辭豈獨悲辭七科不第天留意五十無聞我自知不屑教中真教詩退而修省亦吾師嘉靖丙申余遊金陵晤一揚州士與崔同鄉云故未聞此且云予自弱冠從先公遊此已傳有是詩矣况句意淺熟非東老口出者不知然否

黃岡王正陳以翰林之遷裕州守四川嘉定州彭汝寔北上謁之王弗見彭后詩云宦海茫、漫問津馬蹄南北定誰真、一掌隱、勞清夢東閣沉、鎖暮陰田子非本驛執位昌黎忘梅謁侯門詩成無計通名字馬首長吟對夕曛王得詩追之弗返次年庚辰春試擢第五官給舍此詩二韻蓋旅次口占耳

羅峰張閣老孚敬家食時居永嘉山中諸當道貴人遊雁蕩山賦詩云公聞而和之云海內衣冠集雁山草茅無路得躋攀山中欲屏豺狼道天下誰富虎豹關



玉輦不知從樂地金卮未許破愁顏江湖廊廟元相  
係真道渙樵盡日閑時駕方南狩五句故云諸夏  
貴人得詩即罷宴公名大振後又以詩獲戾郡守避  
罪京師次年以登第免詩矣

溧水上舍張濂渠裴萬南黜嘗稱其先達黃公查公忘  
其名俱宦于京咸有口持一日黃衣白素紗查衣翠

藍絹黃指查亦云江西進士南卷查亦指黃應聲云

廣東道學白沙聞考用其敏且確云

楊遠菴閣老一清兒時自滇過巴陵癘而癘岳二守器

之荐于太守拉觀鏡舟太守陋其狀撫其顛歎曰苦

哉者再且令賦詩公應聲云苦哉苦哉苦哉天先皇

晏駕木踰年江山草木猶含泪太守江邊看鏡船守

聞之大愧罷飲時大行上賓未幾故云觀此器識豈人

力所能致哉

聞一先華初膺薦借計北上夢人云號得玄字即得第

其人屢誣南宮偶觀席令圖值玄竟亦弗與又數試

方得意拜座主睹其卷乃玄字號也遂自吟云奔走

風塵三十年看人看盡祖生鞭也知孤注難成賭詎

信殘碁尚有先容易點成頭上白分明傳與夢中玄

而今豪氣消磨盡惟有丹心鐵石堅大理高雲川對



云是滇人忘其名

劉司馬東山公大夏見忤宦官劉瑾謫戍肅州諸贈送者咸生輓而悲之庠士李輝獨贈一絕云昔年雲已臥東山霖雨功收白晝閑又被好風吹出岫釀成煙霧障三邊公見之大喜果獲生還俘虜賴完歸者甚衆黃州相傳國初夜禁殘嚴解學士縉紳潛跡時夜遊烏為邏者所縛次日郡守訊之作詩云舟泊蘆花淺水涯故人邀我醉金危正歌赤壁兩篇賦不覺黃州半夜時城上將軍元旨禁江南遊子本無知相逢若問真消息曾有名在鳳池聞

高皇帝嘗遣近臣遊海內伺人心向背解時豈亦以此寓楚耶

毛東塘伯溫巡按吾楚魚蔡民害自矜無遺類而不知漏網者往：其也藩臬有諷之者云洞庭昨夜浪滔天處：漁翁罷釣船今日鄰家邀我飲盤中依舊有魚鮮語簡而意盡非但可諷毛云

魯文恪公鐸偕計北上天甚寒暮宿駟館中令驛卒了溫足纒宿衾中至不敢輾轉公枕上有作次日書原間云半破青衫弱稚兒馬前都得浪驅馳凡由父母皆言子小異閭閻我却誰試道世情真可歎

試道或作事到



恩從吾幼未難推明朝欲借驪頭力伸足相加莫浪  
疑時觀者已占其有經濟志矣

余邑侯陳公葛坡坦閩懷安人嘗稱其鄉先達對聯云  
富貴眼前花遲開也好早開也好功名身外物得又  
何如失又何如又云放起流星千萬丈光焰盡畢竟  
回頭開來美酒兩三罇酩酊時終須到底又有集書語  
讚方相氏者六不大人者空如也明四目撫劍疾  
視凡民有喪鷄鳴而中道而立待其人而後行又  
先于其往天沛然下雨如見其肺肝然卒之東郭墻  
間之祭益烈山澤而焚之大人之事畢矣始聾不覺

絕倒

嘉靖己酉夏桂洲閣老被逮獄中作詩云才薄官高負  
荷難自甘縲絏繫兩冠飽諳世味生無愧檢點平生  
死亦安恒子六葬雙鬢白老天知我寸心丹年多未  
病情癯若且自微吟酒進餐歲已亥公扈

世宗駕南巡過黃河東波大江東詞云九曲黃河畢竟  
是天上人間何物西出崑崙東倒海直走更無堅壁  
噴薄天門奔騰積石浪捲巴山雪東南萬古煎地內  
派雄傑親隨

大駕南征鳳舸龍舟白日中流發夾岸旌旗圍鐵騎



道藏錄卷之二  
照水甲光明，滅俯視中原。遙瞻岱岳一縷青，如髮樂  
觀盛事。嘉靖己亥三月，此詞與赤壁真足爭光並美  
矣。

又衡山徵明 武帝以布衣召入禁中，令畫宮景於牆  
并題之云：內苑秋晴，宿霧晞盈；日采上金扉，松間  
翠殿團華蓋。天外銀橋接翠微，錦纜稀遊青雀晴瑤  
波，不動白鷗飛。形埒高邛，無人到時見中官一騎歸。  
武宗遂令書之，稱爲一絕。隨授翰林，待詔遣懷云：天  
上樓臺白玉堂，白頭來作秘書郎。退朝每傍花枝入，  
侍直遙聞漏刻長。鈴索

青鎖靜詞頭爛燦慢紫

泥香野人不解瀛州趣，清夢依然在故鄉。及歸林下  
宸濠聞而召之，公對使者書云：潦倒儒冠三十年業  
緣仍在利名間。敢言冀北無良馬，深媿淮南賦小山。  
病起秋風吹白髮，雨中黃葉暗松關。不嫌窮卧顏回  
巷，消受爐烟一味閒。人云：經時卧病，斷經過自撥閑  
愁帶酒歌意外，分明知命在古來。賢達患名多千金  
逸駿空求骨，萬里冥鴻肯受羅。心事悠悠，那復識白  
頭辛苦。服儒科予又得吳人所書四詩，夏日門居云：  
吾生性本愛烟蘿，塵夢相牽奈若何。慢把長篇消永  
日，喜逢新雨破煩痾。草堂風入風嘗滿，寶劍光含氣



未磨莫問年來生計拙尊前日醉莫愁歌春居即事  
云春雨蕭蕭：草滿除春風吾自愛吾廬高情喜誦閑  
居賦老眼能抄種樹書金馬昔年貧曼倩文園今日  
病相如焚香燕坐心如水平一任門多長者車歲晏幽  
居云匡牀竹几僅容身靜對何曾有雅賓最愛短簷  
堪映雪自裁新帖寫宜春閉門敢遂稱高士得酒還  
能作主人瓊香杉木偏曾意夜深和月照清貧秋夜  
云急雨初收風滿堂子拋團扇舞匡牀起看夜色星  
河爛何處秋声木葉涼偏側老懷忻暑退蕭條病眼  
厭更長月斜人靜空庭寂時有流螢度短牆數詩濃  
艷清麗有六朝風而恬淡高潔歷八十餘方終海內  
至今稱之

王大酉世隆沅陵人以子陽兵憲家后贈予邑李源埜

北上云時論歸青賞後凌託阜囊螭頭簪筆立鷄舌  
奏書香土木思停寢邊烽正陸梁寂寥憐貢禹萬一  
變王陽此公用世之志溢于詞表且學博合詩律整  
嚴惜不多見

高皇作菊詩云百花發我未發我若發都駭殺與與匹  
風戰一場遍身披着黃金甲與周頌勺詩同意

太倉陸欽字鼎儀題瓊林醉歸圖云金羈細馬出明光



碧色羅衣錦綉香行過玉河三百騎少年爭說李東陽是科西涯翁年甫十七云

宸濠寵幸盧妃同宮者賦螻蟻拽花瓣詩嘲之云金針刺破紙糊窓牽惹東風一線長螻蟻也知春富貴倒拖花瓣上官塢孟借盧為奴蟻為你亦巧矣后宸濠叛盧勸火待作曉行諷之云金鷄未報五更曉鐵馬頻嘶萬里風歎三松土行色酒家猶在夢魂中

張太岳居正弱冠登第八詞林疆仕入相詩不多見惟聞其治漢江望黃鶴樓云霜楓蘆雪淨江烟錦石流鱗清可憐賈客帆牆雲裡見仙人樓閣鏡中縣九秋

查影橫清漢一笛梅花落遠天無限滄洲漁父意夜深高詠獨鳴舷清風沉着可愛

江人李輝占籍華容以詩見知督學霞山蔡公潮時有與蔡同年者步真菴具長位出其上蔡不能平手持畫扇二艇爭馳于烟波風雨中今李賦之云次第隻舟發水涯風波險處各參差而今且莫論先後只看明朝到岸時霞老為之大憚

蜀開縣隱士汪安宅名牧通志中題張飛廟云桓侯義膽鐵心肝雲讓孤高雪讓寒獨有五峰祠下水年年流濯漢纓冠岳飛廟云我有兩行生鐵汁等閑不肯



為人滴昨宵忽過岳王詞祠一洒紅塵千里濕林見  
素甚愛之

聞莊定山公昶題曾節婦詩云二十夫君棄妾身諸邪  
癡小舅姑貧自傷薄命同衰葉不掃蛾眉別嫁人化  
石未成猶有沃舞鸞雖在不驚塵鎖窓獨對東風樹  
歲々花開他自春羅一峰謂此詩可泣鬼神諒哉

辰州衛使彭名飛心身咏能直窺詩人間與過余邑  
馬伏波祠題壁云去王庭下鞭秦檜千古人心武穆  
忠今日拜公江上之廟願將頑鐵鑄梁松詩意甚佳  
太倉茅寡婦陸宸母賣廢宅詩云壁有蒼苔甌有塵家

園今已屬西隣傷心怕見門前樹明日猶如陌路人  
此詩載太倉文畧二見行營雜錄天台宋氏賣廬與  
富翁詩云自歎年未徹骨貧吾廬今已屬西隣殷勤  
說與東園柳明人目逢長路人富翁遂還其券二詩  
意似而宋句為勝豈出於暗合乎抑記者之訛也

辰州一友赴省試留詩岳陽樓云洞庭湖水碧天  
萬里瀟々芦荻秋可恠君山顏色厚年々長對岳陽樓  
郵壁見一詩云行盡江南四十春山中又見歲華新一  
年一度春風至吹老人間多火人

應城陳總制堂聯云沐九天雨露之恩享年八十二歲



官居極品荷列聖褒崇之典歷任七十一轉位晉公  
真定趙州旅館中一詩云東風吹我上神京萬里扶搖  
一翮輕催起曉裝看月色隔牆猶聽讀書聲后書楚  
九苞山人惜未識其名里云

宋海翁真定山人自荆澧過桃能詩畫嗜飲為予作東  
山堵墅圖題云桃源深處即東山天下蒼生望謝安  
識得滿枰先后老以成肥水亦何難在桃數月題詠  
甚多

茶陵張龍湖閣老治古相望由北轉南兵書作二只觀  
梅詩云二月墻梅吐絳英一枝庭畔獨分明可憐霜  
雪留芳朵翻恠東風有妬情采折不嫌時欲晚看未  
須及雨初晴憑誰寫入清平調吹作君王玉笛聲未  
幾召還拜相

徐學謨號太室初予向時和重宋海翁擢襄陽分守宋  
過之贈金并詩云玄晏門前草正深從今世上少知  
音莫將酒債妨生計曾記春歸待一金宋嗜飲有錢  
即付酒家保春初流落荆南自歎云得一金即可歸  
矣故未規之

東山劉公成甫寄李西涯閣老云平生自願百年間九  
分驅馳一分閑綠野悞違三畝地白頭今過六盤山



肅州水行雪渡肅州地名知前定運蹇時衰值后艱寄與  
同年老知己天涯孤客幾時還水行雪渡乃東山公  
侍孝廟時夢中所得句至

武廟初始驗榮瘁有教哉

紹興郡庠乃宋博士吳雋故居吳因堪輿家稱善遂遜  
為庠鄉人為立祠祀于宮牆內王梅谿大書一詩屏  
間云羲之室作宅空玉閣賀監家為羽士宮惟有先  
生舊池館春風吹入杏花紅高郵黃凌鶴為紹分教  
擢武陵諭見予輒譚之

吳狀元寬初試春官以詩投西涯李閣老云京華旅食  
變風霜天上空瞻白玉堂短刺未曾通姓字大篇時  
復見文章神遊汗漫瀛洲遠春夢依稀玉樹長忽報  
先生有行色詩成獨立到斜陽西涯大稱賞存之彭  
閣老其年遂掄大魁

唐解元寅蘓州人緣賂題事覺黜革退落魄不羈以詩  
畫自娛嘗自咏云不煉金丹不坐禪不為商賈不耕田  
起來便寫江山賣免使人間造業錢讀末句令人悚然  
陽明先生王守仁正德間為主政論劉瑾、怒譎閩中  
覆舟遇漁人拯之登山方徘徊遇一萬黃冠自稱素識  
邀至中和堂主人處款留數日臨行贈之詩云十二



年前曾識荆此來消息我先聞君於生死輕毫末誰  
把網常任半分寰海已知欽令德老天終不喪斯文  
歸來還向武夷過千載書燈鎖暮雲末二句武夷山下  
經行處好把青尊對夕曛後張螺峰排之謂之性誕  
西樵野記又載公謫龍陽駟丞後惧禍迫身至海濱  
遺履于岸賦詩云學道無成歲月虛天子至此意何  
如生曾許國慚無補死不忘親痛有餘自謂孤忠懸  
日月豈知遺骨葬江魚百年臣子悲何極頗聽濤聲  
哭子胥詩畢投水二童子掖至洞口與二叟奕次旬  
二童子送出則逆瑾戮矣每疑惧禍歆効屈原恐非陽

明事

邯鄲黃梁夢呂仙祠題咏雖繁予獨愛其二絕云午炊

黃梁火尚新榮枯消得幾時辰紛陌上功名客盡

是盧生夢裡人又云身聞世有黃梁夢只恐人傳夢

未真因笑乾坤真大夢呂翁亦是夢中人惜未識其

姓名呂仙以夢悟盧生視浮名如敝屣乃無識者又

往宿祠祈夢以决榮瘁真謂癡人前說夢也余為

二十八字嘲之云盧生一覺黃梁夢笑破浮名半羽

輕何事癡人尤未醒却來祈夢問功名

萬曆元年御製江陵張公純忠捧日堂樓聯句云志切



純忠樹洪休于百世心存捧日揚丕烈于万年夷陵

州學一聯礼門義路學者能由此庶乎不差聖域賢

関君子深造之欲其自得州守李一迪作廣東人號峩山

顧東橋司徒璘寄張龍湖詩云遙憶東山張大傳去年

今日共離觴青尊盃觴愁中别古寺寒松夢裡蒼黃

菊再開非舊色白頭重會在何鄉題詩欲寄衡陽外

日倚西風送鴈行送和御史還朝云君未祇見衡山

動君去猶動聞漢水清公輔眼中頻屈指別離江上

獨関情霜飛征路秋仍肅日麗中天道正亨當宁若

逢明主問楚人皆喜罷南征時議征交趾未果承天

席中贈予邑李源荃公掌科云郢門九月天未霜燕

山八月桑葉黃胡人犯邊烽火急客子憂時秋衣長

獻納亦墀湏賈誼折衝青海憶陳湯征帆北上勿濡

滯決勝由未出廟堂公系有詩声藉海內甚矣此

三作皆寓楚中筆富麗艷冶可誦而息園稿乃遺之何

也

陶鏡峯大叅欽夔彭澤人過蔣道林憲學挑岡書院題

云學士山中近卜居橫經鼓瑟草堂虛門前桃李蒸

霞動池面芙蓉細雨初山水何緣開卦昼乾坤有意

續圖書千花片鍾元氣回望瀛溪只尺餘壽道翁



七袞云南楚中天烟少微桃岡瑞色藹晴輝潞公華  
髮三千丈洛社蒼松四十圍廊廟弓旌懸譽望門墻  
桃李慶依歸頰將五福追歌舞好德康寧世所稀  
毛狀元澄主春試闈中東同事者云昔曾扶策同三試  
今喜開簾共一堂本為朝廷羅後彥敢將桃李植門  
墻文章達命聲華遠德業匡時道路長因憶孝皇祈  
祝語短繁寒夜涕泫零孝皇每當會試輒焚香祝天  
願得忠孝士為用

陸雙石榜眼致閣試初夏詩云錦獸香殘玉漏遲嫩祝  
庭院午風微蜜房分子蜂初靜蛛閣垂簾燕自飛小  
研試茶旋瀹鼎輕刀裁葛已成衣故園遙憶三江外  
梅豆青々笋出扉清雅可人

于少保譙兒時咏石灰云千錐萬斧出深山烈火坑中  
過幾番粉骨碎身軍不惜獨留明白在人間公後當  
土木之變間關百折國賴以安卒因奸黨誣遭大戮  
此詩殆一生之識哉

南陽旅邸壁間一詩題云襄陽懷古羊侯作郡臨襄浦  
宋玉揮毫近郢丘十二巫峰幻雲雨百年江漢見風  
流鸞標斷碣蒼苔蝕鳥語空堂錦樹秋政事文章俱  
磊落登高懷古歆淹留後書崙火山人草亦流動足



稱二美惜不傳其名氏也

環峰賈代巡大亨大龍驛次韻詩云馬首吹風朔吹斷蓬  
山腰晴雪照行踪三巡到楚憐孤劍七縱擒芻憶卧  
龍臺省心驚烏夜月江湖夢醒鳳棲鐘天涯白髮門  
閭並誰識燈前意萬重

胡可泉續宗巡按山東時嘉靖己亥

聖駕南巡公有詩云別道奎輿曉渡河岳雲縹緲照  
晴珂十官玉帛嵩近萬國衣冠禹貢多鎖鑰北門留  
統制璇璣南極護義和穆王八駿空飛電湘竹天皇  
淚不磨衛輝焚斃二嬪末句或有感也已酉歲任丘  
丘王濂以甲科任縣令忤其父胡置之法濂子擊登  
聞奏誣胡巡按時適濂為縣尹命扁此詩公署濂不  
從及撫北平遂誣以大逆  
遣金吾械公至京

世宗覽詩亦不罪使在宋季則為烏臺詩案矣禍詎  
于蘓哉余嘗過安肅去城十里許蓋有麒麟塚云御  
史張惟恕題詩于碑兀然塚上千載皇靈海岳光麒  
何處見禎祥神機未向天邊泄靈物終歸地下藏  
逐塞風遊古寺名隨秋塚卧斜陽當朝誰秉春秋筆  
遇此應教一感傷春秋何時以擬昭代與前末句均



有譏刺揭之孔道竟無媒孽之者良幸哉要之感物吐懷而語涉時事良臣知士當知審矣

瓊臺丘閣老濬咏絳指云金鳳花開血色般佳人染得指尖丹彈箏亂落桃花片鑿盞輕浮玳瑁班拂鏡火星流夜月畫眉紅雨過春山幾日漫托香腮坐疑是胭脂點玉顏公學識該淡勲業亦正大而為此作又嘗為鍾情麗集豈亦朱貞平心鐵腸石而賦梅花則作嫵媚狀耶

李西涯閣老東陽程篁墩學士敏政俱以神童入見

憲皇帝出一對云鵬路高飛奮風雲之九萬程云龍墀獨對陳禮樂之三丁李云龍顏端拱保社稷於千年時食蟹

憲宗又出云螭鱗一身鱗甲程云鳳凰遍體文章李云伏於地起云蜘蛛菊度經綸

憲皇帝大悅二公敏捷雖均而氣象殊異後李登相位輔翊專且久而程官侍讀以賂敗終身器局豈遂定于自獻之言乎

嶺右一顯宦忘其名里欲得一寺為宅兆有司將毀之主僧題壁云忙忙收拾舊袈裟檢點僧囊沒一些袖拂白雲歸洞口肩挑明月過天涯可憐松頂新巢鶴



孤負籬邊舊種花分付犬猫隨我去莫教流落俗人家  
宦聞此竟不已時論少之

辰州虎溪精舍守道穎泉鄒公善建當仁堂以談學郡  
守錫泉徐公廷綬集書語為對聯云靜觀萬物之理  
皆備於我身任天下之重不讓於師可謂切當

一士人將北上其愛寵戀之洒淚滴火有聲其友人聞  
而賦之曰騮馬金韉白玉鞍藁砧明月上長安夜深  
幾點傷心淚淚滴入紅爐火亦寒人世中如此淚者  
恐不少矣源楚公和云禮闈絕啟促征鞍下第劉蕢  
心自安明世豈無金馬意香閨應憶翠闌寒和意翻

案亦新

揚狀元升菴慎黃鶴樓詩云江上高樓海內名登臨此日

古今情風前估客蒲帆影夜半仙、鐵笛聲春水雪

消巴子國烟波晴接奠陽城東南暇日多嘉會時倚  
浮雲望太清此詩少作極清婉後寓滇太深刻

昔人久遊不歸母剪白髮寄之回一詩云百歲未為老  
十年歸未遲只在乾坤內何須歎別離詩佳而情惡  
矣

昔人多作寄內詩亦有寄外并代內寄者未必皆出形  
管也相傳升菴在滇內寄云鴈飛曾不到衡陽錦字



無由寄永昌西川花柳妾薄命南國風烟君斷腸曰  
歸曰歸愁歲暮其雨其雨怨朝陽金錢細問君平卜  
何日金鷄下夜郎懶把音書寄日邊別離經月又經  
年夫君自是忘歸意何處青山無杜鵑此即并  
菴代作也  
崔東洲探花桐由翰林謫楚督學送少華許學憲陞太  
僕云承明憶昔同供奉邂逅天涯又促車羨子能騎  
沙苑馬媿予真食武昌魚尊壘秋水仙人閣詞賦挑  
源鴻鴈書別後相思勞夢寐解携焉得不躊躇過李  
南池兵憲舟話別云崔灝經過李白舟談詩呼酒坐  
中流慚予豈解吟黃鶴羨子真能脫紫裘烏雀繞林  
涼月細魚龍吹浪暮烟愁明朝又是蒼茫別燭剪黃  
昏坐未休題朱兩崖萬竹亭云亭開萬竹青、裡翠  
壁琅玕百尺強旅抱對君渾闐寂市城有此亦瀟湘  
影直化日井階磴勢壓流雲過短牆他日我來還問  
訊龍孫應長幾多長題余邑秦人洞云仙扉雙掩勢  
嵯峨沙徑逶迤有客過虎穴霾雲深玉樹鵲橋移影  
瀉銀河絕憐白晝生雷雨不倦青天捫薜蘿當日隱  
淪可處問幾回皓首嘆蹉跎公後以禮侍家居刻有  
全集甚富云

范紹祥江右人下第時題昭君云獨跨雕鞍出漢宮琵琶



琴聲斷戍樓空金錢買取龍泉劍寄與君王斬蝨工  
次年登第仕至御史觀此則天上碧桃日邊紅杏詎  
止唐人為然

李源楚徵叅知兩浙時伯兄七十構陳海樵益吳雲楚  
日圖題其上云吳雲楚日爛長春萬里鶴原盼望頻  
七十年華君莫羨桃源舊有百年人觀者咸稱三絕  
金陵妓楊狀元者學詩於陳編修魯南門其贈人一絕  
云揚子江邊送玉郎柳絲牽挽柳條長柳絲挽得吾  
郎住再向江頭種兩行余遊金陵楊尚存未見其作  
疑此即陳代筆或好事者為之云

都下扶筇仙者鄧玉曰徐州人余郡龍太渠翁以太守  
入覲邀之降筆寶劍隨身隱北辰北辰宮闕鎖重闈  
歸來鶴背一聲笑萬里江山總是春又筆間霧氣生  
毫末紙上松聲聽有燕水得墨雲驟風雨高堂六月  
是水壺又勾漏山頭古洞天金堂玉室地相聯門前  
千尺長松栢親手栽來不記年又偶然騎鶴出蓮巔  
為訪仙踪下九天一劍當空忽飛過碧潭驚起老龍  
眠末書唐貞元道人蓋托之洞賓此類不能悉識而  
畫尤精妙

吾楚中二顯者俱忘其姓名衙里一初謝政同鄉有狂



生訪之弗見時中堂揭嚴介溪閣老贈言生遂書一

絕云焦山

楊繼盛主政號

已死虹塘貶

王宗茂御史號

海內無人是

介翁今日登堂見詩草始知公量獨能容顯者謝之  
一居家延賓速簡祇書石華拜速一鄉人忘其名題  
於帖返之云速帖何須寫石華石華山上夕陽斜長  
安有路人能到不信春風只一家顯者怒次年鄉人  
下第歸遂又改貽之云速帖還須寫石華石華山上  
夕陽斜長安有路人難到始信春風只一家彼此往  
復不已人謂弗逮前謝者云

陝右一儒生過駙即中出一聯云華岳巋々兩扇玉屏

遮北塞竟不能對苦思以死自是每夕必朗吟不已  
使者至不敢假寐康對山狀元偶至將宿駙卒告以  
故公弗信至夜分鬼果至公呼之曰癡兒是何難吾  
為汝酬之云黃河滾々一條金帶遶西秦自是遂息  
又聞李空同督學江西亦出一聯云風入棕林千手  
拂搖摺帖扇諸生不能酬夜扶筇六仙走筆云水消荷  
葉獨脚鬼戴攬包巾次日復于李大驚訝諸生其實  
對公笑云我固知人謀不能迨是湖北分巡公僉憲  
趙以巧對名按郡見坊卒執燈籠者以推三命楮糊  
之趙出一聯云命紙糊燈籠火星照命思久自不能



酬至歲莫頌年書一耆老捧書頂之中上以示尊畏  
趙遷云頭巾頂曆日太歲當頭噫巧亦至是哉趙滇  
雲人

武陵庠生李敬夫欽少時勃有英氣武宗改元將封

榮藩之國先遣巨璫李姓者治宮殿李素驕悍奢靡

甫至郡即治巨舸於城濠中與督工正郎日夕遊燕

無忌欽令其子童生獻詩云歌鼓樓船盡日歡活魚

入膾酒腸寬叮嚀舟子牢持柁牛畝方塘有急湍巨

璫覽詩罷宴息遊

荆門州四方舖迤北二里許金牛塚上有真武壁殿間

詩云仙境閑尋採藥翁草堂留語數宵同欲知山下

雲深處祇是人間路不通泉引藕香來洞口月將松

影過溪東未名心在閒難遂明日馬蹄塵土中此詩

不知作者誰氏字亦道勁人疑仙筆也或云四川老

子青羊宮石刻題云三清選客玉皇舉人大玄子書

銅梁冷近菴紹元嘗謂重慶刘是明大叅台九十舉人

李執和以詩云金莖玉露結南極光輝海岳天

攀桂重逢壬子公前壬子看花再見丙辰年公前丙辰

朝兄弟聯星座公兄春五代兒孫延壽筵公子鶴年

宗起家皆子姪官閣老旬滿百年還更始人間信有地行



仙大為士林所傳

嘉靖癸丑余時應春試都下傳一長聯云洛水神龜隻

見瑞陽數九陰數九九八十一教、歸于道、通

元始天尊一誠有感岷山彩鳳兩呈祥王時二雄聲六

雌聲六六六三十六聲、聞于、生嘉靖皇帝萬

壽無疆或謂出者嚴介溪酬者與國吳舍人國倫未

莆田甲子解元王大道別號蒙泉話九里仙異云是年

秋泉州士人王某祈夢問榜首仙云榜首即汝題目

乃夫道若大路然及入試非其題其久下第而大道

發解始悟王為姓題內隱其名仙歷漢迄今無慮數

千禩而靈應若是奇矣安得鞭赤龍凌紫烟度武夷

鴈蕩之陽揖九鯉于寢寐中共決古今一大疑夢耶

曾于良鄉旅邸壁間見一絕云歌枕送聞鼓吹聲爭傳

仙子下瑤京茂陵多病西歸客旅邸殘燈半不明蓋

西蜀人讀之令人愴况不任又于石固店見蜀人梧

岡第二株主人長篇亦奇崛惜未及錄前首余友印

與山託云卧聽仙郎下玉京喧天金鼓萬人迎相如

亦是同朝客旅館孤燈相對明似不同予所記者

會稽海樵山人陳鶴字鳴楚世系紹興千戶長幼負高

志工詩畫善各體書放遊江海不屑承襲祖蔭踪跡



多西湖間夷考厥趣殆倪雲林之流云源楚公為兩  
淞觀察使陳以啓投之云去歲避俗海濱得付諫議  
書具悉足下古道唯能尊義丘園振風頽俗將使巢  
許之徒不獨善形世外欲以共觀邦國禮樂之典者  
鶴初聞此五內欣慶即欲西渡一訪明公承所未有  
乃以老母疾深調停失計方寸一亂情興遂解抱此  
鬱之衷累有歲月無可控聞今春偶同袁客部渡  
錢塘盪撓湖水自謂人緣不遠當見叔度之波揚澄  
于郭太晉散之器稱奇于正平也但以律呂傳音賴  
宮通變賢士合德因人為容鶴既無先容見亦非義

乃遍瀆簪紱之間欲以少通尺寸之悃重足月餘未  
有為鶴容者意或言詞愈張嫉心愈甚所求日急見  
疑日深顧茲瑣亦足觀世變矣遂使明公法臺寡  
潛夫之論吳山旅巷無長者之車中切懷賢一念沈  
思入脾榮衛不暢魚之人情外剝述作內耗尊俎邀  
遊昏曙相繼以是疾病漸深精氣不作飲食違時腸  
胃潤下進退遲延宛如衰湏少有所勞輒便伏枕自  
六月七日以來窈見炎暑流行微軀羸弱耶且屏跡  
闔戶求安於一枝少延鷓鷯之年習靜空門暫操墨  
行惟令妄慮去心真如歸性歡喜自在以清病根乃



為得計他雖來往失議衆口共詈有所不顧蓋以窮  
居之孝莫先保身養生之要在乎順候也前承足下  
往刺之典是又不待其所容而先施也此樂善忘已  
之高致同人聚類之良期也以此屏跡闔戶不能抱  
一二篇什走候堂下聆當時之論豈非天與其不幸  
哉謹遣走者馳狀上達伏惟足下加亮卧病鶴頓首  
具啟又書贈答八幅其一云長安為客幾經春共說  
文章滿縉紳傲世每隨彈鋏士還山甘作灌園人居  
藏寶籙探玄理門有安居問隱淪江上別來無鴈遞  
相思幾度柳條新其二云人間聚散本難期老大逢

君又別離窮達一心惟戀主風塵滿眼更憂時吳門  
鷄唱逾闕早淮路潮吟過浦遲入國莫辭頻抗疏長  
才自古係安危其三云君才不忝帝鄉賓何事年來  
尚隱淪造化每疑先達士山川偏戀草玄人已多詞  
賦留名姓且共漁樵適性真風雨相尋谷口路酒酣  
忘却未歸人其四云逢君酌酒不成懽為客同嗟  
世路歡難布褐經年猶落魄鄉書無處覓平安燕雲  
杳、邊烽急秋夜漫漫、畫角殘國事關心憂未已臨  
期那復話辛酸其五云憶昔別君溪水頭春城楊柳  
送君舟久遊兩見鴈歸塞殘病又逢花近樓遠道有



書因使阻閑身無主任僧番凶年到處多亡叛疏草  
何妨諫縱囚其六云問君幾月下滇池寶劍含星萬  
里隨憐我壯心能解贈亦知明世已無為佩崑江口  
龍先識匣向牀頭鬼或疑共得大娘筵上舞却于醉  
裡悟書机其七云炎天殘病厭冬迎借尔深山且避  
名偶對野翁忘出處暫隨農侶話陰晴林猿迄乞果  
時穿木海月窺人夜過城賴有流泉能灌圃隔窓又  
見藥苗生其八云昆陵別云幾經霜海內新詩盡說  
唐此是寄憂世祇看天上宿避人嘗閉市中房南徐  
立馬三山近陽羨柔船一水長鄉信还能相寄否秋

風正有鴈來翔山人文詩逼漢唐而豪宕尤奇竟以  
是賈禍弗獲死所傷哉嘗見謝山人茂秦詩乃  
宗子相極譽之而於陳則俾睨之甚良可訝也

張應元南淮安人甲午鄉舉里人卜棟借其姓名漫遊  
荆襄間年可三十餘美丰 談述而漢文唐律晉

草每對客揮穎咸新雋可 寓宣城最久故宜人郭  
春臺華多能傳其詩云 每憶齊梁吳潦倒烟波

媿此身四海弟兄稀見 年霄漢獨傷神長卿多

病應辭祿李耳無官豈為貧亭上一尊君對我斯文  
鄉誼更誰親右與鄉人大尹話別不見先生四載餘



竭來官况更何如一身作客紛多事千里餘人缺寄  
書化國滿看鸞鳳集晴江獨握芝蘭居襄天漠漠半  
烟雨歲晚能忘一對予右簡宜城令聞說天台古石  
梁羽衣金節紫霓裳塵埃不實少神仙分葉裹慚無  
服食方海日弄光浮檻杳城霞曉景建榱長何時獨  
上華陽頂擬醉題詩獻玉皇右寄人囊有防身劍門  
無問字人動經三月雨孤負滿城春道在微原憲名  
高羨子真竭耒五月兩山寺裡詩思喜相親右題蘭  
若壁春臺乃翁家扁五桂堂張初識荆邊題其下云  
之予自高格讀書五桂堂問之何所意君家有五郎

堂前桂森々十里聞餘香上有金粟花下有紫霓裳  
時從青女遊宛在月中央咲語折花枝對此明月光  
整衣向我言五桂聯秋芳滿堂秋思未令我詩興狂  
記此贈多君千載虛雲房張自襄入陝與鈞州党都  
憲為布衣交后自北南遊楚嘉靖丙辰四月住武陵  
一野寺偶有巨賊流言道路防禁人咸疑之  
榮藩遣使索張于寺城入城中途自沉于水卷冊甚  
富今其詩字傳於襄岳間為多亦字內奇貨也

竹坡郡山人洪鄱陽人嘗謂渠鄉一顯者家居時媻媻  
嗚々聲達于外顯者避坐廳事中一狂士能詩訪之



顯者欲亂其聰指壁間鳩鵲畵令賦之士援筆云鵲  
一聲兮鳩一聲鳩呼風雨鵲呼晴老天却也難張主  
落雨不成晴不成可謂善滑稽者矣

蜀耆儒李郁題張果老倒蹇為云堪嘆人間世人無如  
這老漢不是倒騎驢凡事回頭看此言大有裨於世  
教不必以詩觀也

王西樓者高郵千戶侯也著有樂府題睡鞋云新紅軟  
鞋三寸正不落地能乾淨燈前換晚妝被裡勾春興  
幾番間把醉人兒蹬踢醒康對山醉中歌之改醉人  
兒作老生先以為戲非公  
也又途中遇少嬾騎驢云露玉笋絲韁款把見金蓮

寶鐙輕踏裙拖翡翠花紗扇掩泥金扇此昭君只少  
面琵琶天寶年間若有他却把三郎愛殺此老風  
致觀此可想見也

道林蔣公屬續前二日歌二絕云歸住青山十六年歌  
遊多半萬桃邊萬桃與我浮雲耳請借西風吹上天  
又吾儒傳性即傳神豈向風塵滯此身分付萬桃岡  
上月女湏今夜一齊明廣陵宗子相亦有絕筆三首  
云四海相逢盡卧龍清江夜采芙蓉我今先跨晴  
虹去遲爾崆峒第一峰一謫人間四九年青山萬里  
隔蒼烟于今更返華陽洞千樹桃花待舉鞭長嘯一



聲歸去來玉龍高駕綵雲迴獨留明月詩千首萬古  
寒光燭上台道翁識融融守貞視生死猶旦暮宜矣  
子相負才傲世年未疆仕而亦能灑脫不為分香買  
履評意達矣哉

宸瀑父癯仙好儒嗜吟嘗題元宵老子燈末四句云范  
增老去悲無力陶令年來懶折腰不笑不語渾似醉  
小兒扶出看元宵

莊定山家居欲起一僧舐漁翁舐齧諷之莊題其上云誰  
拈秃筆寫漁船我作漁翁已十年舐裡欲尋誰是我  
白頭高帽頂青天公此詩自負大矣惜後起南京吏  
部正郎未幾以考察去雖丘文莊之計公亦自失多  
矣

竹坡邵洪寓予邑嘗同予遊芥人洞一絕云避世藏机  
机未深慢將消息恨漁人當年不種碧桃樹流水無  
花誰問津唐稷題靈岩洞云一水穿岩走碧沙岩前  
樛木偃龍蛇分明便是桃源洞不見溪頭流落花稷  
零陵郡人

舉案齊眉之案音筮與梳同櫺星門之櫺乃穀星學門  
用此取養先于教意二字音義見餘冬序錄



道聽錄卷之一終

道聽錄卷之二

楚源桃沅南李春熙輯

男謙重梓

應城李世熙者壬午魁雅好對偶嘗題邑定慈寺云好  
山到處皆為寺佛性從來必定慈又世間好話佛說  
盡天下名山僧占多題一醫士門云廊廟有人調國  
脉山林饒我壽民生一當道臨校宮瞻兩扁左為禮  
門右為義路謂諸生此中須得一聯李應声曰禮門  
正直出茲可入室升堂義路坦平舍是皆傍谿曲徑  
當道大稱賞

廬山胡公直督學四川遊覽教詩云千盤磴道躡層巔  
縹緲還驚碧嶂懸豈有羽翰生白日翻憐車轂上青



天雲深岐路曾迷聖地遠村醪正渴賢此地從來添  
素髮頓令生世歆長捐新秋客夜坐虛堂院陌庭筠  
釀早涼西徼自無鴻鴈到東山已過薜蘿芳銀河影  
掛千峰淨碧月光連一水長此夜不禁思萬里吳山  
楚徑共微茫仙人早自好棲居縹緲俄驚百尺餘高  
挹群峰當戶出靜看修竹隔林疎嵩書曉映流霞外  
樽俎秋臨落月初共道主人獨遠峨媚東望接匡  
廬朝出叢林入洞天捫蘿越午到岩顛千峰合作蓮  
花藏雙水高連玉液泉悟後丹砂俱幻法行邊脩竹  
契真詮閣黎不用重番偈小坐崖亭意已傳今之講

學者多作文章語此公之詩則酷有唐風矣

余邑庠諭石渠漳浦人秋試後一鄉達公方伯寄二詩  
今存其一云昭代求賢啟網羅兪曹霜足竟蹉跎老  
夫那得身常健浪說佳期在後科榆景悵快之情讀  
之慘然

王鉞都御史巡邊詩中二聯云世間惟有征夫苦天下  
無如迢塞寒鬢為胡笳吹馬雲

余邑侯張湛泉植謂余云常熟沈掌科鍊家居長子位  
次子偉皆見時沈公見石砌山上一鹿行出聯云假  
山真鹿走位見缸中魚應云死水活魚遊異哉甲子



發解京闈戊辰會魁入館

辰州唐萬陽御史愈賢越中詩云海上海烟午未開兩  
涯金鼓響奔雷樓船半向三山出風雨俄從二粵來  
自笑同部輕水戰誰思燕狩築金臺越裳消息今寥  
落常使魚龍夜、哀城陵磯武穆祠云武穆祠堂楚  
水涯短牆殘草映踈花奸諛何代無秦相忠孝誰人  
似岳家風靜風魚龍吹細浪月明鷗鷺宿平沙遙憐  
古墓空山裡萬樹南枝日斫斜余邑伏波祠云千古  
英雄絕可憐雲臺何用說蟬聯蒼山古木撐晴日斷  
牖殘楹鎖暮烟千里音書巖畫虎滿天風雨墜飛鳶  
而今鑿鑿應何在獨立秋壇一惘然初歸詩云蓬萊  
仙子玉京回夜披鶴氅臨高臺濁酒三盃明月上浩  
歌萬里清風來古今天地八醉夢齊魯江山空草萊  
幾度臨風橫玉笛半空吹落教聲梅此公才清而多  
商音蓋模擬何大復之過也

彭二州客余邑李侶松從之學詩偶見水中花片蟻在  
其上字出句云落花載蟻浮流水彭見蜂過蔓藤上  
對云野蔓牽蜂過別枝可謂的對

李西涯懷麓堂詩話中野行迴夜虎林卧起秋蛩若非  
迴起二字直常語耳觀此則詩眼之說猶信



武陵借山萬公官二守博學好口占代謔丙戌春欲乞  
恩就教同鄉龍巖胡公沮之公吟云君向胡公問品  
題教官須是犬為之而今我也寧為犬吠桀從堯未  
可知一醫者朱熙陽乃陽明門下士葉以解毒為主  
公嘲之云素難靈樞理可詳天和元氣莫輕傷如何  
四百四般病盡與黃連解毒湯此詩雖戲語而理道  
亦俱晚歸松下自讚其像云爾貌則愚人云宜書既  
云宜書何腹空虚爾形則囚人云宜壽既云宜壽胡  
病交湊雖然空虚者安知非詳說反約之微而交湊  
者亦可為敵國外患之助又能文者氣完有德者體  
胖實惟吾子之所難巨富者肉厚大貴者骨秀又非  
吾子之所有悅仁義而無怠心誦詩書而不釋口此  
則吾子之所能可以語人而無恒心博學善記對客  
揮毫妙談疊々不倦如此二作達哉萬公諱松

張太岳居正閣老兒時顧東橋試之三子告曰不可公  
破云聖人為國謀大夫為身謀可以觀世變矣顧大  
異之解所束金帶為解贈予聞破子曰者云匹夫而  
為百世師一言而為天下法吾楚一童子破學而第  
一為政第二云明德為本新民為末皆天然可喜  
荆州李荆沙完乙酉鄉舉至郭店有詩云幾年潦倒向



塵埃此日偕君郭店來雲霧接天鄉國迥迥河山入  
望盍圖開寒侵衣線憐遊子春到絲綸愧楚才共矢  
初心酬盛世文星昨夜照三台

馬孟河一龍題西郭草堂西郭草堂一曰白石山房兩  
江方君讀書處也在清源郡西前後多白石盆峙山  
水襟以松竹花卉共成園景堂五楹三中以間左右  
堂之內楹一偃息一游藝房所在即此其堂無他有  
也四壁圖書締繡天地化一布載聖賢心法而已人  
或見其中烟雲繚遶金石鏗鏘猗怒駿奔龍翔鳳舞  
翥暉映几案之上班馬授筌李杜捧律鍾王顛素屏

氣却走是時摛文揮翰發胸中浩灑點綴意象真有  
芥子乾坤一瞬宇宙之志今古何人得在方君目睫  
之下轉霎息机雲扉外扃其人內函元始反觀萬有  
俱化矣世間又何物可以籍余主人並登斯堂哉馬  
河龜洛非羲禹不竒周鼎商彝唯清廟可入騷人學  
士得充文奴以為幸而軒冕珠玉品題不及耳此作  
渾無烟火氣而草亦莊整予在都下得其墨本云

岳正以翰林忤時謫戍肅州放歸郭搃兵登詩送之云  
早從黃閣贊絲綸欲報君恩敢愛身青海四年羈旅  
客白頭雙泪倚門親鳴璫又喜趨仙仗補袞還思用



舊臣莫道得歸、便了天涯多少未歸人顧玄言國雅品謂我朝武臣詩人第一非虛美也

方兩江元煥臨清人詞翰豪宕余遊京師時嘗得其墨本八幅五七言絕各四首六白鹿吻、去不還千年蘿洞渺蒼烟天開日月存斯道地接風雲護昔賢蓬島仙郎吳季子岷江五月下樓船昨來紫氣浮南斗鹿洞春深草太玄平生最愛李空同載筆曾凌五老峰天邊玉樹明河度石文一螭文綠蘚封中朝司馬鄭惟誠慣著陰符坐太清忽散瑤華滿廬岳青天夜夜鬼神驚後題云望雲鄭公出守南康欲刻予書匡阜之上因為四絕又五言一雨得微涼客子聊相娛池上有芙蓉肯使花空度一雨得微涼花前發長嘯瑤琴下指遲明月待相照一席布地坐飢鳥啄行蟻蝸涎滿空階篆跡良可喜一席布地坐白雲滿芳草興闌發長嘯開軒讀黃老

海寧朱靜菴周教諭濟妻竹枝詞云西子湖頭賣酒家春風搖蕩酒旗斜行人沽酒唱歌去踏碎滿塔山杏花金陵陳魯南繼室馬題素面便曰剡藤素滑勝輕羅月樣裁成一片多若使佳人笑遮面分明影裡見姮娥謝寄鞋云金蓮小瓣墮瑤池想像深閨結繡時無



限巧心勞遠寄露多不忍下堦墀台州表貢士妻潘  
久雨云久雨堦前鋪鋪綠衣烟迷竹樹影稀微黃鸝  
交坐窓前語說盡春愁來往飛較之斷腸集遠矣  
寶應鄭先生夫婦倡酬云試罷歸來日已西佳人含笑  
出香閨近前執手低：問南省出朝今出甚題絲：  
弱柳拂行舟湖上風光屬壯遊此去不須重囑付朱  
顏人倚夕陽樓忘其名

江右一士人因牽鄰婦手訟丁有司有司令賦手云曾  
向花叢揀俏枝軟于春笋嫩于黃金刀屢試輕裁繡  
彤管頰抽淡畫眉双綰秋千扶索處半掀羅袖打鳩

時綠窓獨無絲桐弄無限春愁下指遲竟以此獲釋  
安南使宿南浦駟云南浦橋頭泊屈船伊：啞：櫓聲  
連教聲渙笛滄浪裡幾箇人家楊柳邊紅日落殘鈎  
掛樹白雲飛盡鏡磨天安南萬里朝天客暫借官房  
一宿眠此二作可以馱舌之音目之乎

武陵於玄少文光髮頭陀傳云髮頭陀武陵人喜任俠  
已而厭之徙家為桃源農齊田二頃饗殮朝夕晏如  
也更喜釣魚踪跡常在青螺白馬之涯罷耕釣即手  
念珠焚香結趺跏坐若不修頭陀行而般若自在無  
罣礙恐怖死然頭陀而髮也故自號髮頭陀云翦髮



頭陀庵于八湖濱四面種竹語聲不聞于外庵前有  
池：上蔣蔬三四畦庵中畫書外惟酒尊客有過髮  
頭陀者觴酒薦蔬不美多品客非知己亦油：不肯  
去也顧不免酒癖酒無論醇薄不醉不肯止醉後偶  
及時事嘗愴然太息復自笑曰髮頭陀爾猶未忘世  
慮耶讚曰武陵之巔虞善卷之所棲桃源之深有秦  
遺黎頭陀從來武陵桃源間也將與斯人上下而提  
携也耶雖然貧不忘味隱不忘乎世以謂善卷不能  
也庶幾聞秦人風而興起者歎又秋興詩云玄極新  
宮入絳霄龍涎飛霧結瓊瑤月明紫露浮仙掌夜冷  
青娥擁鵲橋天棧翠華烟漠：陰山玉筮草蕭：彤  
雲赤氣隨灰燼禾黍西風漫寂寥野水芙蓉著淺紅  
踈簾烟月淨簾櫳十年雲漢雙飛翮萬里江湖一短  
蓬逸興自憐非杜甫解嘲誰更似楊雄江鄉民瘼堪  
愁絕漫倚西臯醉落楓黃鶴孤雲杳碧虛天涯江漢  
更愁予河東真有楊雄賦洛下空傳賈誼書四海風  
塵雙涕淚十年林壑已桑榆翮：羽翰秋空裡烟鎖  
南陽舊草廬詩歆學杜而過於摹倣竟沉滯以歿悲  
夫

午日有邀余過河觀競渡者源楚李公亦有約畱予以



樂府云公無渡河：水之廣場層波下絕潼汭上淶  
羅二龍矯：鱗相磨中流雙舞陽侯戈馮夷辟易奔  
鼉鼉孤舟獨濟將奈何吁嗟乎公無渡河語壯而奇  
馬孟河詩不經意匠而雄壯飄逸余嘗得其墨本其首  
云風吹竹葉入我房忽見竹間明月光山前無路通  
車馬夜半何人過草堂酒興不減李太白詩才欲比  
陳思王相送出門天大曉白雲蒼樹兩茫茫：又將軍  
一戰百蠻空罷戰誰言萬里功方脫水兵辭夏口又  
問胡騎入雲中戍城鼓角霜天動白劍道旌旗海日  
紅為有孤忠懸北斗君王召見大明宮餘詩音調皆

類是使再心矩矱即唐人奚多遜焉

武陵學諭黃金良號凌鶴高郵州人督學顏公試野水  
橫舟上元觀燈賜宴二詩前者失記其後首云星毳  
錯落五雲中誰信蓬萊有路通柑席承恩千載慶條  
風吹暖萬方同賡歌寶篆縈簾碧獻壽宮袍映酒紅  
簫鼓拂天人共樂月明應照玉關東

劉福井戊辰赴試謁張太岳張時初陟東閣未出劉投  
以詩云三載重耒白土墀論文尊酒暫相違始知相  
府深如海未許山翁醉似疑泥元老勲華青鬢少故  
人交誼白頭稀吹噓賸藉春風力東閣爐烟滿素衣



辛未科六十六始得登第殆詩識哉劉名珠公安人  
 岳州方勵菴以戶書致仕同鄉二十八人餞於會館公  
 醉中留一對云聖恩浩蕩放七十五歲老漢拜掃回  
 家鄉誼綢繆借二十八宿星君殷勤獻酒方公諱  
 留都舉人某者弘治正德間屢為人取鄉舉如拾芥無  
 名子亦都人雄 貨賂某中式時人揭詩通衢云近  
 來時事甚堪傷鎖院翻為賂賄場 貨多身子貴  
 公家窘 兒長有錢能使鬼推磨都下無學却教人  
 頂缸寄與番都科共道一封早為奏明堂  
 黃鶴樓吾楚名勝也丙辰歲回祿一夕為燼武陵少朗

陳子可禹弔之云神仙不愛人間勝樓觀飛灰楚望  
 孤逝水依然潮岬磧荒臺容易長菰蒲慢將詞賦稽  
 朝代從此登臨落畫舫十載舊遊空檢點天涯南望  
 正愁吾又千年勝槩雄三楚一夕悲風度爽烟明月  
 空來聞笛鶴斜陽愁絕渡江舡仙人合向蓬壺住客  
 子應慳眺覽綠懷古莫歌崔老白晴川芳草自芊芊  
 李源楚和云千載名樓一炬殘天子奇勝亦多慳晴  
 川芳草登臨處碧檻朱甍想像間呼酒獨憐江月上  
 題詩猶憶掉歌還荒臺寂寞寒烟合黃鶴山高杳莫  
 攀樓閣千尋壯楚都飛灰一夕滿江蕪誰從歌舞樽



俎延歌舞無復山川似屈菑滄海浪傳蓬島勝洞庭  
愁絕岳陽孤含悽不為重游惜與廢塵寰自可吁一  
時傳誦之

張龍湖嘉靖甲午科主考南京中庸乃君子之道本諸  
身一節解首鄭維新誠破云聖人所由惟一理則推  
之而無不準矣張云我思之屢日不得此破而渠從  
寸管中得之殆有神相哉

武宗咏汲婦云汲水上南坂紅裙映碧波雖然不似我  
宮娥野花偏艷目村酒醉人多信口小令詞情超逸  
聖本生知觀此益信矣一傳碧波下有我這裡停驂  
觀着他那裡冷眼偷睨接下

雖然

唐臯狀元諭世歌云人生七十古來少先除幼年後除  
老中間光景不多時又有炎涼與煩惱中秋過了月  
不明清明過了花不好花前月下且高歌急須滿把  
金尊倒朝中官多做不盡世上錢多賺不了官大錢  
多憂轉深落得自家頭白早請君檢點眼前人一年  
一度埋芳草芳草高低新舊墳清明寒食無人掃此  
言喚醒碌々勞々者多矣

嚴介翁嵩夏桂翁言俱江西人同時柄政京師語云夏  
桂洲教你休時你不休晴乾不肯去直待雨淋頭嚴



介溪人可欺天不可欺善惡到頭終有報只爭來早  
與來遲後二公俱敗果符其言

郭雨山登庸山西長子聞人為楚督學予為所知遷南  
少京兆為余書一冊惜又遷宣大總制未竟而行今  
錄其存者云安鄉客館用高吾司馬韻二首武陵東  
上處孱野半畦行雲斷荒山杳天連遠樹平歸鴉橫  
日影寒鴈度江聲係馬孤村署牕懸寶劍明落葉柴  
門靜天寒少客行烟橫湘渚碧月上洞庭明踈竹空  
亭色殘經遠寺聲漁家歸卧處舟繫正江平秋透漢  
上聊述往事一首寂寞魚龍漢水秋飛帆遙蔽夕陽

樓中宵走馬狂夫遁清曉聞鷄戰旆收斷隴唯餘荒  
草木蕪田猶拾舊戈矛至今人說旋兵處殘燒寒雲  
白日愁西馬風胡馬度江來江上諸城破竹開朔地豺  
狼何促氣中原將相豈凡材青山野渡渙人淚古道  
清秋過客哀昨吊潭州李忠節殘碑遺廟鎖莓苔秋  
日竟陵野亭二首繫馬孤亭下晴郊坐客幽斷雲鄢  
樹色落日漢江秋鴈入天光迥鴉喧霧收氣牧兒歸向  
晚猶自唱沙頭江鄉秋靜處野色入思長征旆明斜  
日輕衣納晚涼晴空高鳥白幽徑曉雲蒼行見村家  
樂鷺鷥足稻梁翁詩字兩莊重亦昭代人物也惜未



見全帙耳

張東海汝弼草書冠絕自解縉紳體中出詩亦淺淡嘗  
見其帙中謝人惠燭云霞城畫燭大如椽遠寄人間  
慶壽筵自愧無緣照歌舞夜窻頻剪讀遺篇又題像  
寓意云到處丹青馮我神故人相見問何人而今百  
十張東海只有元來一箇真蓋當時效其草書多故  
云過梅嶺云曉行梅嶺鷓鴣啼草樹芳原路欲迷真  
道哥、行不得馬蹄南北又東西紀夢云夢裡分明  
見羽仙烏鬚藥物示真詮未能寡過慚空老那得工  
夫學少年、後因假髻詩見忌一麾出守矣詩載今賢彙言

江陵張封君之明別號太虛道人聞寄京詩云別去家

鄉又秋幾秋倚閭父母盼雙眸當年生理惟蓬草長路  
馳驅共馬牛一介書生叨備問九重天子賴紓

憂殷勤囑付金門客大易藉茅是遠猷噫相君勛業  
蓋古今而猶以藉茅為戒忠孝啟承誰謂無所本耶  
日本使者咏西湖云昔年曾見此湖曷不信人間有此  
湖今日打從湖上過畫工尤自欠工夫二十八字宛  
轉教摺詎意侏儻馱舌吐此語哉

曾于都下鬻畫肆見二喬觀兵書其上題云香肩並倚  
讀兵書韶略元非中饋曷千古周南風化本晚涼何



不讀閔睢九原有知豈獨二美負媿

豐城甘勳由癸未甲科授予邑令甫三日為悍妻妬寵

瓜其面媿縊以死相傳其父云始生時夢人持綵竿

入賀綵上對云四百姚涑榜三日桃源令三日為令

前定已矣而嘉靖紀元姚涑榜增額四百亦不爽此

豈人力所能為哉

霞山蔡潮臨海人督憲吾楚見生儒中有既冠而復北

入試者公嘲云昔日峩冠已偉然今朝北角且從權

時人不識予心苦將謂偷閑季少年

瞽者周子能琴嘗往謁澧州華藩長子味一贈以詩云

月華星彩泛秋光有客携琴過草堂楚澤黃金逢賀

若塞門碧玉遇師襄懶開青眼看人醉只把孤桐引

與長曲罷班荆天似水不知松露濕衣裳清雋可人

無富貴相

白沙先生簡李斯實詩云風光何處可憐生共把閑愁

向酒傾今日花非前日看少年人到老來更秦傾武

穆憑張浚蜀取劉璋病孔明千古此冤誰洗得老天

無計挽滄溟後李從宸滂叛此詩若豫為悲歎者

嘗見北礼部堂聯云赫々春雷際風雲而聯紫陞堂々

南省依日月而直丹宵此夏桂老筆楚闈聯云場列



東西兩道文光堪射斗簾分內外一毫關節不通風  
毛東塘筆常德郡堂聯云惟清惟慎惟勤察察盡相成  
之美曰庶曰富曰教生民願至治之休方太守筆予  
邑堂聯云頭上有青天視聽自民視聽眼前皆赤子  
饑寒猶已饑寒刑罰當寬處即寬草木亦上天生命  
財用可省者便省秋毫皆百姓脂膏此二作出眉山  
鄭公筆也武昌詹氏父子兄登正德己卯科其堂聯  
云黃鶴聯飛敢誇是父是子青雲德路得果然難弟難  
兄新都楊廷和父子兄弟閣老尚書子復中代元堂  
聯云名姓薦書中第三第二第一功勳霄漢上乃祖

乃父乃孫八聞楊以太禮故削爵秩升菴母喪題其  
銘旌云國老妻狀元母某氏之柩榮哉

王慎齋大常嘉言東光人乙丑春與予同試事登第入

館讀中秘書戊辰春已超尚寶鄉矣同年蘓西垣者傳

其二小詩戲醫士乘驥同鄉祁鶚峰跨鶴相訪云相

銀鞍白馬走皇都贏得名醫到處呼馬後書生跨長

耳兒童錯認鄭昌菒又西賓清瘦愛騎驢華岳仙翁

搃不如自是主人能安客乘肥遠二作前驅侍祁主

醫士家故云公後左遷夔府制作日富壬申人日舟

中遲予云中原久已息戎兵人日如何不肯晴豈是



峽江龍起卧翻疑楚岫女鍾情金花欲送憑誰剪栢  
葉堪嘗恥獨斟稍待謫仙來入社看渠筆落鬼神驚  
公嗜杜此故作句意逼似之矣

夢菊郭公棊廣東南海人壬戌甲科往予寓京邸讀其

會試卷雄博罕儷不勝驚伏壬申春翁以儀部出守

夔郡過邑辱惠舟中稿云雲安江上棹相將都歷山

頭春載陽積鐵有峰如躍鳳煉丹何處更飛羊鐵鳳飛羊

皆山樓前四望波光碧郭外雙懸峽影長那得與君

攜手去坐臨曲水並飛觴又五言八句南浦停舟日

東川問俗時尔能勤撫字吾欲起瘡痍柳已含新翠

梅猶綻故杖行春莫畱滯正及勸農期萬川道中四

絕云飛濤滾落蒼天疊嶂層擁翠烟兩岫啼猿

迎畫舫新詩真憶李青蓮雲安峰頭孤月明雲安江

上晚霞生笛声近繞青山郭劒氣遙看白帝城浪簇

龜鼉水氣腥漁燈點隔江青惱人最是山頭月偏

照山僧夜說經半里方城枕碧山百家茅屋瞰清瀾

使君對此增惆悵豈待猿聲愴客顏天仙橋用韻云

曙日光熒宿霧消靈源来自九天遙一封石燈橫堆

玉萬古晴虹卧作橋急派勢吞蒼峽月清流向心

紫宸朝來遊喜值春光早吟對梅花未寂寥公稿甚



多諸體各錄一二首嘗鼎腐者詎在多乎

興國吳國倫號川樓與宗子相友善余在蜀得其鄉人

所傳教首登滕王閣云崔嵬古閣大江頭多病登臨  
屬暮秋窓際白雲吳楚合波間赤日古今流山川不  
盡孤臣淚歌舞曾聞帝子遊萬里烽烟迷北望渾如  
王粲在荊州送金蘆泉之開封別駕云年少凌雲賦  
已工微名亦忝故人同那知駿骨來燕市只似蛾眉  
老漢宮一日君恩黃綬重三川行色佩刀雄君今莫  
惜逢時晚寵統猶能起治中登小姑山云楚宮空坐高  
秋色濃白雲隨杖入芙蓉九江落日迷山寺萬里寒

濤響石鍾古閣凌空愁過鳥輕帆帶雨扶飛龍俯看  
天塹雄南北何事中原有戍烽謝人送菊云彭澤歸  
來逕欲荒病懷蕭瑟度重陽忽看紫菊移仙署遂使  
秋英艷草堂枝挿帽簷憎髻短香隨卮酒助吾狂廊  
中甘水能分飲豈必携家住谷傍舟中望瀑布泉云  
傍棹看懸瀑蒼波十里寒玉龍飛不去銀漢瀉猶殘  
響落層雲裡陰浮萬樹端幽懷一以愜好是使君灘  
宗集已布海宇而吳詩所見僅此其軒輊具隻眼者  
當能辨之

王國光號汲泉山西陽城人官比刑侍能為史記文書



詩復逼杜曾記其一聯云妓舞竹枝嬌不起客呼桑  
落醉還醒情景宛然于十四字惜不能識其全耳予  
選萬川公贈詩云夔府孤城鳥道懸萬民歌舜候虞  
絃清時赤縣堪行素甘雨隨車沃錦川瞿塘雪浪一  
輕舟不是尋常為宦遊玉壘錦江多攬結青袍肯誤  
釣魚舟此首蓋知予少宦情也一識荊州喜不勝楚  
騷湘賦歎多能莫言蜀道難為客漢世風裁重李膺  
席間援筆即成而情景才學俱備三晉名流如公者  
恐不多得

宸濠初肆惡時禽獸俱懸銅牌于項一鶴出市為民家

犬所傷梓叔卒質之官公僉憲批鶴雖帶牌犬不識  
字禽獸相戕於人何事語含譏嘲而理法亦盡

岳正號蒙泉致仕戲作云五十年來謝世紛百年勞逸  
喜正分不應又受先生號去與青山管白雲

成仁卿者公安邑庠生以詩文出入公鄉間名久在耳  
而未面也壬申元旦偶隨摠戎過萬寄予詩云岐路  
勞歌三峽度提封歡領萬家同歲分栢葉青尊裡春  
入梅花畫角中棠國令名今日晤桃源仙景故園通  
客辰因藉陽和布願取辛盤獻漢宮又除夕呈郭摠  
戎云百年勝節又除夕千里浮踪仍薄遊江上棊尊



此客舫城頭歌管誰家樓西川元帥好相待南國故人能共留不用桃符與爆竹醉來含笑看吳鉤餘詩尚多不能悉志

武陵龍太渠翁和陳朗溪翁韻云莫把島名愧老夫馬牛隨意任君呼棲遲南省官何補搖落西風病未蘓謀拙繭絲還保障憂深廊廟共江湖傳岩間却調羹手當宁思賢夢到無翁先瑩河湫山丁邠夏蛟出瑩畔黃凌鶴文學作騰蛟篇期其諸郎孫翁和篇云禹門變化何神通直看海嶠如壘空神蛟鼓鬣以伏項奮身已在層霄中江頭環立人爭識隱：雲端入還

出須臾浪湧鯁鯁隨星散一驚霹靂隣翁說向事最奇居時霧雨時紛披虹光照耀盡林薄久疑神物潛天地詰旦尋踪溯湘渚縉草豐碑逼亭宇絕無暴厲遇荒丘祇沃焦枯需甘雨兒孫濡化鯉堂前騰蛟兆協然未然馮仙養龍合隨去流奇文海徵瑤篇二作皆和韻而不為韻束真老法家手也龍公諱翔霄

餘姚謝本齋遷勸學歌云聞君入試不得意怒髮衝冠致成疾餘姚雖有好良醫相顧終朝不能治我昔曾經害一場傳得千金不易方因便抄錄寄同志倘若得効無相忘洙泗魯論語齊梁真孟子曾參大學章



孔伋中庸理加上聖經只六味更添子史十七粒宣  
州石硯香麻油鳳陽烟墨蘭蓋筆收在明窓淨几中  
煎熬晝夜莫停功切忌陰人未觸汚不妨君子頻相  
從慢：嚼細：服：過三冬顏如玉可以平步上青  
霄可以坐享千鍾粟遺得渣滓莫傾棄番與兒孫再  
煎服此方屢服屢有驗故為知音不少輕秘此篇可與  
唐狀元勸世文作對為刻

武陵陳朗溪翁刻額面高題其上云面無垢日洗之心  
有垢人不思吾云洗面先洗心湯銘教語為愛師洗  
心不洗面：澤心坦夷洗面不洗心人掩天難欺願

將洙泗源頭水洗盡人心渣與滓

許少華宗魯西京妙才也由翰林兩督楚學政乞叢得  
體成就甚多過桃川番詩六首詞翰並絕其秦人洞  
探菖蒲方竹有懷南張子云雲間龍種竹石上虎鬚  
蒲九節飛騰具三英餐食需提携辭澗道悵望想蓬  
壺欲辦靈仙品煩看博物圖后見其集中作擬妾有  
羅衣裳四絕云妾有綠綺琴經年不曾鼓開囊為君  
彈哀怨不成語妾有碧玉簫高樓弄明月吹作憶君  
吟相思兩愁絕妾有金雀鏡光華射人冷挂向綠窓  
前照見孤鸞影妾有白團扇披拂長在手一自秋風



生棄捐今已久閨中吟云播蓋含風艷荷花沁水香  
閑揮團扇影驚動彩鴛鴦獨向青燈坐燈花落更開  
終宵傳喜信不見故人來竹屏詩云山人種竹結為  
屏當戶環琅萬箇青玄圃鳳毛真瑞世葛陂龍種舊  
通靈不須綵繪芙蓉列用何豪華孔雀停春雨兒孫  
森似玉歲寒高節照門庭蕙樓云樓上氤氳草香  
芳干紅萬紫避春光朱欄曲引光風媚翠葉輕含暖  
霧香莫使梁間巢燕子直須牕下綉鴛鴦仙人最愛  
樓居者始信蓬壺日月長此必為妓者咏公非但詩  
律精妙而筆法尤逼鍾王桃源洞扁刻真兩絕也

京山王虹塘諱宗茂咏昭君云長袖非堅甲荆釵豈利  
兵貔貅空百萬用妾長作城

曾於郵壁見戎婦吟云一戍蘆龍十度秋間關百戰未  
封侯朱顏敢恨夫君誤堂上翁始更白頭不知作者  
誰氏也讀之潸然教行下矣

一詩僧咏漁翁尾限天字韵云籃裡無魚欠酒錢酒  
家門外繫漁船幾番欲脫蓑衣當只恐明朝是雨天  
客有贈一仕宦者小畫二樵夫方出門其妻在門內喚  
之樵夫回顧題其上云老婦喚翁三任聽歸來須是  
擔頭輕昨宵雨過蒼苔滑莫向巖岩險處行規諷之



意微矣

元末時兵亂隱居者多詩會自娛曾見月泉吟社首列  
羅公福春日野吳詩云老我無心出市朝  
東風林壑自逍遙一犁好雨秧初種半畝閑雲葉自澆  
放犢曉耕雲外隴聽鶯時立柳邊橋池塘見說生春草已喜  
吟魂入夢招此詩惟穩妥有蘓黃風卷中皆不及之  
品者亦具隻眼矣

劉洞衡在彰德道中贈大洲閣老歸蜀一絕云攬轡漳  
河急看流層臺零落草空秋岷峨一片眠雲石拂袖  
猶堪望帝州此詩足壯大洲行色矣

一瓢牛舜耕不知何許人善畫龍七十餘矣多寓荆澧  
之間一詩云磨快鋤頭挖苦參不知山下白雲深多  
年寂寞無烟火細嚼梅花當點心又一聯云櫓聲咿  
啞拖江響螢火高低隔岸焚皆無烟火氣

昔人夜過嚴陵詩云君為功名隱我為功名未羞睹君  
家面黃昏過釣臺

宋海翁題老子青牛圖云函谷關西幾度遊至今紫氣  
未全收青牛老子頭如雪莫笑山人浪白頭清明即  
事云寒食東風草色新壘下高塚臥麒麟可憐泉下  
千年骨曾作提壺拜掃人



乙丑歲澧陽龔車渚天申劉洞衡崇文南旋曉過襄陽  
習家池劉歆馳車騎往眺之龔謂時太早恐門鑰未  
啓口占云忙裡尋幽漢水西朝雲深鎖習家池亭臺  
只尺無由到孤負劉郎覽勝詩已而果然

龍渠陽襄陽懷古云習家池上酒峴首山頭淚生后百  
年思生前一日醉有抑揚軒輊意太渠季子名德乎  
李空同謂唐人律詩當以崔灑黃鶴樓為第一何仲默  
以沈佺期獨不見為第一楊升菴兩是之升菴在滇  
選空同詩以朱遷鎮一首為第一今錄于此俟知言  
者辨之水廟飛沙白日陰古墩殘樹濁河深金牌痛

哭班馬師地鐵馬驅馳報主心入夜松杉雙鷺宿有時  
風雨一龍吟經行墨客還詞賦南北淒涼自古今

江西安福彭氏科目極盛其祠堂中對聯云半壁宮花  
春燕罷滿林牙笏早朝回吁盛哉

夷陵黃陵廟題詠甚多惟蜀人張景賢集社云自笑狂  
夫老更狂青春作伴好還鄉扶持自是神明力一夜  
水高三尺強

夔府二門石碑鐫慈母石歌郡守張公廷栢序云瀘州  
江邊有石名慈母石上有歌不傳名氏予復刻于此  
巖石江頭峻如壁舟人指為慈母石慈母名未不可



問岫岩屹立秋江碧我聞慈母名起我父母思人有  
父母詎不思我思父母徒傷悲憶思我童穉時家貧  
逐日曷生資父母衣我分寧自寒父母食我分寧自  
飢然薪與我代燈燭粥髮與我延良師朝夕撫我俾  
勤學戒我勿似庸常見况我生命苦多疾父母提携  
延歲月一朝我病忽呻吟父母咿嗚面如漆有時為  
我祝神祇願我早着緋藍衣是時我心長戚：願如  
孔子言無違嗟：我生命何蹇少年不第：已晚使  
我父母已老死食不飽兮衣不暖我今身為一命士  
薄俸堪將奉甘旨父母已去掩荒丘薄俸翻將飽妻

子幾回舉筋食腥膻點：不知双泪漣收泪還將酒  
盃覆酒盃不到音容肅慈母石世稀有汝在江頭名  
已久我思父母不能養恨：當同汝不朽嗚呼罔極  
恩難報而今賴有移忠孝行當竭力事吾君庶可揚  
名酬二親此歌句意雖淺而能盡人子之情讀之可

與陳情表同淚矣

寧海葉內山煥云作者羅適由甲  
科官提刑乃其鄉人

二臺崔公云國初涪州一布衣徵入朝試晚菊詩云佳  
節幽香不應期可憐寂寞在東籬淵明去後無人賞  
從此黃花放得遲遂授府倅

解縉紳吉水人洪武永樂間皆為侍從天才敏捷



成祖行春乘輿已駕召縉索詩甚迫紳口占云青皇勒  
馬要詩篇杜甫詩中借一聯金勒馬嘶芳地草玉樓  
人醉杏花天

成祖索殿中對紳應聲云古詩一聯日月光天德山河  
壯帝居此二詩對雖借古人皆天成也又聞一大臣  
先夕夢人語以禮樂征伐自天子出好對流連荒亡  
為諸侯憂次日

成祖果舉首句以問郡臣索對大臣在班首尤未及對  
紳在後先厲声云、舉朝驚異一日

成祖召紳語云昨夜某尚書得喜可作詩賀紳應言云

天公昨夜降奇童 上云非男女也化作姮娥下月  
宮 上云死矣紳云想是世人留不住 上云付之  
壬癸紳云翻身跳入水晶宮詩雖淺俚然不經思索  
方諸七步擊鉢之速何多讓乎

江西宸濠之變孫許二公死焉後為建二忠祠往來題  
咏甚多聞一儒生詩止記後四句云黃雲紫霧群鴉  
散白日青天雙鳳飛拜吊書生真何物汨羅卮水首  
陽薇大為士林傳誦云

予邑桃川宮有避秦洞往來多留詠近日張東沙時徹  
一律詞翰俱擅場云白雲深處即仙山石室珠林尽



日閑隱士空留丹灶穴  
漢郎曾叩白雲關  
滿天風雨客初到  
遶徑烟霞鶴未還  
欲問隱淪無處所  
隔溪流  
水自潺湲後見芝園集  
摠目止載桃源宮而卷中  
無此詩豈遺其稿耶  
抑為人所刪耶

源楚公集李白送毛二叟遊桃川序為一對云  
花藏仙溪落英何許流出水引漁者春風不知從來亦天  
成可愛

有題月桂者云檻外花開月：紅一年十二度春風老  
天莫道無私意私意分明在此中  
寓意長遠或有為之言也

湯陰縣武穆祠一聯云死忠已盡君臣義  
生氣時未父母邦鄒縣孟廟對云鄒國魯斯文  
同一脉古今喬木  
第三家

武陵龍渠陽題秦檜一絕云死後不須重鑄像  
生前元已是金人意新而旨遠後過朱仙鎮  
改云無端三字殺忠臣宋法翻疑酷似秦  
咲底祠前長跪者生前元已是金人

金陵妓蘓桂亭送人詩云交情何草：別思更悠、有  
夢見郎面無書寄隴頭頻將別時淚化作江水流  
風波不可散點：逐君舟金臺妓朔朝霞送人云秋風



風江上送君舟落葉江楓搃別愁解纜不知人去遠  
凭欄尤倚夕陽樓彤管遺編載一妓送人春試不知  
名楊子江頭春水生安排樓櫓送王孫明并三月長  
安曉君聽傳臚妾倚門觀此三絕獲小薛濤何代無  
之也

松滋王相之前甲子解元仕終二守家居日者謁之書  
其卷云遠謝君平顧草廬坐臨釣石語乘除短竿若  
也逢生旺多釣春江幾箇魚又玄武門前早桂冠松  
陰坐隱慶新權短枰若也逢生旺一日多贏得幾盤  
友人家畜沈石田題燕圖云湖水浸我戶烏衣風外輕

殊無畏糧者亦有往來性情末二句義不知何似恐  
亦用烏衣國事耳

嘗見九章算法內三百六十一口缸問君分作幾船裝

莫要多了了一口莫要少了一口双此九、教也用十  
九船

每船十  
九口



道聽錄卷之二  
終

道聽錄卷之二

十七



